


BOSNA I HERCEGOVINA
TUŽILAŠTVO – TUŽITELJSTVO
BOSNE I HERCEGOVINE
SARAJEVO
Poseban odjel za ratne zločine
Regionalni tim III
KT-RZ-174/05
Sarajevo, 31.01.2007. godine



SUDU BOSNE I HERCEGOVINE
–n/r sudije Gogala Zorice–

Veza: Vaš broj X-KR-05/154

Na osnovu člana 275. Zakona o krivičnom postupku Bosne i Hercegovine, u prilogu vam dostavljamo izmijenjenu

OPTUŽNICU

Protiv:

LJUBINAC RADISAVA zv. „Pjano“, sina Veselina i majke Milke rodene Rajak, rođen 12.01.1958. godine u selu Čemanovići, općina Rogatica, nastanjen u mjestu Padinska skela – Nova 48, općina Palilula – Beograd, DZ SiCG, Srbin, državljanin BiH i SiCG, JMB 1201958173260, po zanimanju automehaničar, bez zaposlenja, oženjen, otac dvoje punoljetne djece, pismen, sa završenom srednjom školom, vojsku služio 1978. godine u Rijeci, vodi se u VE Rogatica, nalazi se u pritvorskoj jedinici KPZ. “Kula”, Istočno Sarajevo po Rješenju o određivanju pritvora Suda BiH broj X-KRN/05/154 od 20.12.2005.godine, **koji može trajati do okončanja glavnog pretresa,**

Zbog toga što je :

U vrijeme širokog i sistematičnog napada vojske i policije tzv. Srpske Republike Bosne i Hercegovine i paravojnih formacija pod vodstvom SDS-a, usmjerenog protiv civilnog bošnjačkog stanovništva na području općine Rogatica, u periodu od maja do novembra 1992. godine, vršio progon civilnog bošnjačkog stanovništva na političkoj, nacionalnoj, etničkoj, kulturnoj i vjerskoj osnovi, i to: ubistvima, prisilnim preseljenjem stanovništva, zatvaranjem civila, nečovječnim djelima učinjenim u namjeri nanošenja ozbiljne fizičke ili psihičke povrede i narušenja zdravlja, na način da je:

1. Dana 26.05.1992. godine [REDACTED] odveden iz svoje kuće u naselju Seljani na ispitivanje kod Ljubinac Radisava, nakon čega mu se gubi svaki trag, a ni do danas nisu pronađeni njegovi posmrtni ostaci;
2. Dana 03.06.1992. godine zajedno sa drugim licima, nakon napada na nebranjeno selo Seljani, općina Rogatica, te nakon razdvajanja muškaraca od žena i djece, odveli 15 civila, i to: [REDACTED]
[REDACTED]
[REDACTED] koji su zatim ubijeni, a njihova tijela su u periodu od 28.09 do 1.10.2004. godine ekshumirana iz masovne grobnice na lokalitetu Dizdareva njiva, u blizini kuće Ljubinac Radisava ;
3. Dana 28.07.1992. godine, skupa sa izvjesnim Macolom, iz logora u prostorijama SŠC „Veljko Vlahović“ odveli zubara [REDACTED] kome se nakon toga gubi svaki trag, te ni do dan danas nisu pronađeni njegovi posmrtni ostaci;
4. Dana 03. i 04.08.1992. godine izvršio prisilno preseljenje žena, djece, te manjeg broja preostalih odraslih muškaraca iz sela i naselja MZ Seljani, općina Rogatica u logor koji se nalazio u Srednjoškolskom centru „Veljko Vlahović“ u Rogatici, a dana 05.08.1992. godine, nakon što su među civilima koji su bili zatvoreni u Srednjoškolskom centru „Veljko Vlahović“ u Rogatici, razdvojeni muškarci od žena i djece, učestvovao u prisilnom preseljenju žena i djece na Hrešu, općina Stari Grad, Sarajevo, a u cilju etničkog čišćenja šireg područja općine Rogatica;

5. U periodu od kraja juna do oktobra 1992. godine, u logoru „Rasadnik“ kod Rogatice u više navrata nogama obuvenim u vojničke čizme, te rukama, tukao zatvorene civile, među kojima i: [REDACTED] a sve u namjeri nanošenja velike patnje ili ozbiljne fizičke ili psihičke povrede ili narušenja zdravlja ovih osoba;
6. U periodu od avgusta do novembra 1992. godine, odvodio zatvorenike koji su bili nezakonito zatvoreni u logoru „Rasadnik“ kod Rogatice, na prinudni rad u Rogaticu i okolinu, da izvode fizičke radove za potrebe srpske vojske, pa je tako dana 15.08.1992. godine iz Rogatice odvezao i 27 civila, među kojima su bila i četiri maloljetnika, u selo Duljevac, nakon čega su oni korišteni kao živi štit ispred srpskih vojnika prilikom napada na kotu Jačen, da bi po završetku te akcije bili strijeljani, a samo su tri osobe preživjele strijeljanje ;

Dakle,

gore opisanim radnjama, koje su predstavljale dio širokog i sistematičnog napada usmjerenog protiv civilnog bošnjačkog stanovništva, znajući za takav napad, izvršio progon civilnog bošnjačkog stanovništva na političkoj, nacionalnoj, etničkoj, kulturnoj i vjerskoj osnovi i to: ubistvima, prisilnim preseljenjem stanovništva, nezakonitim zatvaranjem civila, nečovječnim djelima učinjenim u namjeri nanošenja ozbiljne fizičke ili psihičke povrede i narušenja zdravlja,

čime bi učinio krivično djelo progon kao zločin protiv čovječnosti iz člana 172. stav 1. tačka h) Krivičnog zakona BiH, u vezi sa sljedećim tačkama istog člana:

- a) lišenje druge osobe života (ubistvo),
- d) prisilno preseljenje stanovništva,
- e) zatvaranje,
- k) druga nečovječna djela slične prirode učinjena u namjeri nanošenja velike patnje ili ozbiljne fizičke ili psihičke povrede ili narušenja zdravlja.

U odnosu na optužnicu protiv Ljubinac Radisava broj KT-RZ-174/05 koju je Sud BiH potvrdio dana 15.05.2006. godine, Tužilaštvo je odustalo od tačke 6. optužnice koja se odnosi na oduzimanje zlata i drugih dragocjenosti od civila koji su bili zatvoreni u prostorijama Srednjoškolskog centra „Veljko Vlahović“, a tačke 4. i 7. optužnice su objedinjene u novu tačku 4. izmijenjene optužnice.

